



UNIVERSITETI - UNIVERSITY - UNIVERZITET

"HAXHI ZEKA"



REPUBLIKA E KOSOVËS KOMUNA E ISTOGUT
REPUBLIKA KOSOVO OPSTINA ISTOK
DREJTORIA E ADMINISTRATËS PËRGJITHSHME
UPRAVA OPSTE ADMINISTRACIJE

Nr: 01-016-30452 Data 02.08.2023
Br: Vales-lizazna Datum

ISTOG-ISTOK



MEMORANDUM BASHKËPUNIMI

lidhur ndërmjet:

Universitetit "Haxhi Zeka", me seli në Pejë, Rr. "UÇK-së", 30000, përfaqësuar nga,

Prof. Dr. Armand Krasniqi -Rektor

dhe

Komunën e Istogut, me seli në Istog, Rr. "Fadil Ferati " p.n, 31000, përfaqësuar nga

Z. Ilir Ferati - Kryetar

Në mbështetje të koncept dokumentit për Krijimin e Forumit Ekonomik Rajonal "Dukagjini", palët nënshkruese të këtij memorandumi akordohen si në vijim:

Hyrja

1. Palët i njohin vlerën dhe rëndësinë e bashkëpunimit për zhvillimin ekonomik dhe akademik të rajonit të Dukagjinit dhe më gjerë në tërë territorin e Republikës së Kosovës.
2. Palët pajtohen për të ndërtuar dhe zhvilluar Forumin Ekonomik Rajonal "Dukagjini" (FERD), si një platformë të përbashkët për të promovuar dhe ndihmuar në zhvillimin ekonomik të rajonit.
3. Palët pajtohen që të gjitha objektivat, qëllimet, aktivitetet e Forumit Ekonomik Rajonal "Dukagjini", të parapara në koncept dokumentin, do të zhvillohen dhe implementohen nëpërmjet Organizatës Jo qeveritare të themeluar nga Universiteti "Haxhi Zeka" në Pejë me të njëjtin emër "*Forumit Ekonomik Rajonal Dukagjini (FERD)*"

Objektivat

1. Palët si objektiv themelor kanë promovimin, zhvillimin ekonomik, akademik dhe social të rajonit.
2. Palët synojnë të promovojnë bashkëpunimin mes Universitetit "Haxhi Zeka", Komunës së Istogut, dhe partnerëve tjerë, nëpërmjet FERD, për të identifikuar dhe zhvilluar projekte, trajnime, programe dhe inovacione që kontribuojnë në rritjen ekonomike dhe akademike të rajonit.
3. Nxitja e dialogut nder rajonal me qëllim promovimin e politikave ekonomike, vlerave sociale, politike dhe kulturore;
4. Bashkëpunimi rajonal në drejtim të koordinimit të projekteve investive me interes për



UNIVERSITETI - UNIVERSITY - UNIVERZITET

"HAXHI ZEKA"



- rajonin e më gjerë;
5. Organizimi i Forumit ekonomike, sociale, akademike, biznesore, politike me partneritet publiko-privat;
 6. Ofrimi dhe avancimi i ideve novatore që çojnë në hartimin e projekteve investive, me synim përfshirjen dhe mobilizimin e kapitalit të diasporës dhe me gjerë.
 7. Inkurajimi dhe nxitja e investimeve të huaja direkte dhe përmirësimi i klimës për të bërë biznes në regjionin e dukagjinit dhe me gjerë.
 8. Aplikimin e përbashkët dhe hartimin e projekteve për zhvillim ekonomik të rajonit në organizata, institucione, lokale, rajonale dhe ndërkombëtare etj.

Përmbajtja e bashkëpunimit

1. Palët angazhohen të bashkëpunojnë në të gjitha aspektet që lidhen me organizimin e Forumit Ekonomik Rajonal "Dukagjini".
2. Palët marrin përsipër të organizojnë takime periodike të Forumit Ekonomik Rajonal Dukagjini, të cilat do të përfshijnë prezantime, diskutime dhe aktivitete të ndryshme për të promovuar zhvillimin ekonomik të rajonit.
3. UHZ, do të bashkëpunojë me Komunën e Istogut për identifikimin e nevojave për trajnim dhe për të siguruar trajnime të përshtatshme për të arritur qëllimet dhe objektivat e FERD, për zhvillimin Ekonomik të Rajonit.
4. UHZ, Komuna e Istogut, dhe komunat e tjera si dhe partnerët tjerë, fillimisht do të ndajnë një fond për Forumin Ekonomik Rajonal Dukagjini, për trajnimin e stafit të FERD, stafin e UHZ-së dhe ekspertët tjerë që angazhohen nga partnerët e këtij forumi lidhur me shkrimin, aplikimin në projekte të përbashkëta që kanë për qëllim zhvillimin ekonomik, akademik të rajonit.
5. Palët angazhohen të bashkëpunojnë në hartimin e strategjive të përbashkëta, projekteve dhe programeve që kanë për qëllim investimet që përmirësojnë kualitetin e arsimit, inovacionin, trajnimin e stafit dhe rritjen e konkurrueshmërisë ekonomike të rajonit.

Organizimi i Forumit Ekonomik Rajonal Dukagjini

1. Palët përcaktojnë se Forumi Ekonomik Rajonal "Dukagjini" do të organizohet së paku një herë në vit në një vendndodhje të përcaktuar nga Palët.
2. Palët pajtohen se organizimi i parë i Forumit Ekonomik Rajonal "Dukagjini" do të bëhet nga UHZ, duke siguruar infrastrukturën dhe burimet e nevojshme për zhvillimin e suksesshëm të takimit.
3. Palët angazhohen të mbajnë takime të rregullta në nivel teknik dhe koordinim për të përgatitur dhe monitoruar zhvillimin e Forumit Ekonomik Rajonal "Dukagjini".



UNIVERSITETI - UNIVERSITY - UNIVERZITET

"HAXHI ZEKA"



4. Këto takime do të përfshijnë përfaqësues nga Universiteti "Haxhi Zeka" dhe Komuna e Istogut, komunat tjera dhe partneret tjerë që janë pjesë e këtij forumi, për të diskutuar dhe koordinuar çështjet që lidhen me organizimin dhe përparimin e Forumit.
5. Të gjitha komunat, bizneset dhe organizatat tjera partnere të këtij forumi do të caktojnë nga një përfaqësues si pjesë e forumit, përfaqësuesit nga komunat do të emërohen nga kryetarët e komunave.
6. Organizatës Jo qeveritare e themeluar nga Universiteti "Haxhi Zeka" në Pejë **"Forumi Ekonomik Rajonal "Dukagjini" (FERD)**, sipas koncept dokumentet i cili është bazë për nënshkrimin e këtij memorandumi, do t'i implementojë të gjitha aktivitetet e përbashkëta të partnerëve, duke përfshirë edhe organizimin e takimeve të rregullta.
7. Palët shprehin gatishmërinë e tyre për të inkurajuar pjesëmarrjen e institucioneve akademike, sektorit privat, organizatave joqeveritare dhe autoriteteve vendore të rajonit në Forumin Ekonomik Rajonal "Dukagjini". Përmes kësaj, synohet të krijohet një rrjet i gjerë bashkëpunimi dhe shkëmbimi të ideve dhe njohurive.
8. UHZ, do të ofrojë të gjithë infrastrukturën për Forumin Ekonomik Rajonal Dukagjini, si objekte, zyra, stafin, që të implementohen të gjitha aktivitetet, projektet e përbashkëta për zhvillimin ekonomik rajonal.

Avancimi i Forumit Ekonomik Rajonal Dukagjini

1. Palët shprehin përkushtimin e tyre për të ndjekur dhe monitoruar avancimin e Forumit Ekonomik Rajonal "Dukagjini", si dhe për të vlerësuar efektshmërinë dhe arritjet e tij në realizimin e objektivave të përcaktuara.
2. Palët kanë për qëllim të përcaktojnë ndikimin e Forumit në zhvillimin ekonomik dhe akademik të rajonit, duke zhvilluar një mekanizëm të vlerësimit të rezultateve dhe efektit të realizuar.
3. Palët pajtohen të bëjnë një raport të rregullt të avancimit të Forumit Ekonomik Rajonal "Dukagjini", që do të përfshijë analizën e arritjeve, sfidat dhe rekomandimet për të përmirësuar funksionimin e tij në të ardhmen.

Zbatimi dhe Ndryshimi i Memorandumit

1. Palët angazhohen të zbatojnë me përkushtim dispozitat e këtij Memorandumi dhe të ndërmarrin të gjitha veprimet e nevojshme, për të arritur objektivat e përcaktuara në koncept dokumentin.
2. Ky Memorandum përfaqëson marrëveshje midis Universitetit "Haxhi Zeka" dhe Komunës së Istogut lidhur me bashkëpunimin dhe mbështetjen në organizimin dhe zhvillimin e Forumit Ekonomik Rajonal "Dukagjini".
3. Ky Memorandum është i nënshkruar në dy kopje të njëjta, ku secila palë do të mbajë nga një kopje.



UNIVERSITETI - UNIVERSITY - UNIVERZITET

"HAXHI ZEKA"



4. Memorandumi do të hyjë në fuqi pas nënshkrimit nga Palët dhe do të zbatohet në përputhje me dispozitat dhe kushtet e saj, dhe vazhdon të jetë në fuqi për një periudhë të caktuar prej 5 viteve.
5. Ndryshimet apo amandamentimet në këtë Memorandum mund të bëhen nëpërmjet një marrëveshjeje të shkruar midis Palëve, të cilat do të jenë të vlefshme vetëm pas nënshkrimit të tyre.

Nënshkruar nga:

Për Universitetin "Haxhi Zeka"

Emri: Prof. Dr. Armand Krasniqi

Pozita: Rektor

Nënshkrimi:

Data: 19.07.2023



Për Komunën e Istogut

Emri: Ilir Ferati

Pozita: Kryetar

Nënshkrimi:

Datë: 19.07.2023



	REPUBLIKA E KOSOVËS REPUBLIKA KOSOVA MINISTRIA E ARSIMIT, SHKENCËS DHE TEKNOLOGJISË	UNIVERSITETI UNIVERZITETI "HAXHI ZEKA" PEJE	
REKTORATI			
Nr. / Br. / No.	1967	Nr. i faq/ Br. str / No. pg	4
Data / Datum / Date:	02.08.2023	Pejë / Pëc	